

SLUŽBENI GLASNIK OPĆINE BREZA

Godina VIII	Broj: 8.	Breza, 28.11.2006.godine
-------------	----------	--------------------------

Godina VIII	Broj: 8.	Breza, 28.11.2006.godine
-------------	----------	--------------------------

BOSNA I HERCEGOVINA
FEDERCIJA BOSNE I HERCEGOVINE
ZENIČKO-DOBOJSKI KANTON
OPĆINA BREZA
-Općinsko vijeće -

Broj:1/1-02-2502/06
Breza, 23.11.2006.godine

Na osnovu člana 22. i 23. Zakona o budžetima u Federaciji BiH ("Sl.novine FBiH" broj: 19/06), te članova 13. i 15. Zakona o principima lokalne samouprave ("Sl.novine FBiH" broj 49/06) i člana 96. Statuta Općine Breza ("Sl.glasnik Općine Breza" broj 1/99, 4/99 i 7/99), Općinsko vijeće Breza, na prijedlog Općinskog načelnika na sjednici održanoj 23.11.2006.godine, donijelo je

REBALANS BUDŽETA OPĆINE BREZA ZA 2006.GODINU

Razlozi za donošenje rebalansa (korekcija) budžeta su odstupanja po osnovu planiranih prihoda i rashoda donešenog, usvojenog budžeta za 2006. godinu.

Budžet Općine Breza za 2006.godinu sastoji se od:

-	PRIHODI	2.808.222 KM
-	RASHODI	2.778.222 KM
-	TEKUĆA REZERVA	30.000 KM

Prihodi i izdaci za period od 01.01.2006. - 31.12.2006.godine utvrđeni su u Bilansi prihoda i izdataka.

PREDSJEDAVAJUĆI
Općinskog vijeća
Vinko Pandža,s.r.



O B R A Z L O Ž E N J E

I - PRAVNA REGULATIVA

Budžet je akt kojim se utvrđuje plan finansijskih aktivnosti budžetskih korisnika, obuhvataju projekciju iznosa prihoda i primitaka i utvrđenog iznosa rashoda i izdataka.

Donosi se za period od jedne godine.

Izuzetno, ako se u toku budžetske godine zbog nastanka novih obaveza za budžet, ili promjene privrednih kretanja povećaju rashodi i/ili izdaci, odnosno smanje prihodi/ili primici budžeta, mogu se izvršiti korekcije usvojenog budžeta za tu godinu.

Pravni osnov za donošenje Rebalansa Budžeta Općine Breza sadržan je u članovima 13. i 15. Zakona o principima lokalne samouprave, prema kojem Općinsko vijeće donosi rebalans budžeta na prijedlog Općinskog načelnika.

Dodatni propisi za izradu rebalansa budžeta su:

- Zakon o proračunima - budžetima FBiH;
- Zakon o pripadnosti javnih prihoda ZE-DO kantona;
- Zakon o porezima ZE-DO kantona;
- Zakonom o sistemu indirektnog oporezivanja u BiH,
- Zakona o uplatama na Jedinstveni račun i raspodjeli prihoda,
- Zakona o porezu na dodanu vrijednost,
- Zakon o građevinskom zemljištu FBiH
- Zakon o komunalnim naknadama;
- Zakon o porezu na promet nepokretnosti;
- Zakon o koncesijama ZE-DO kantona;
- Zakon o cestama FBiH, itd.

II - UVODNE NAPOMENE

Pri izradi Rebalansa Budžeta za 2006.godinu, korištene su smjernice "Dokument okvirnog Budžeta 2006. Federacije BiH", upućeno od Federalnog Ministarstva finansija, a bazira se makroekonomski gledano na Srednjoročnim okvirima rashoda 2006.-2008.godina.

Osnova za projekciju predstavlja prosječna stopa rasta (bruto) prihoda od 5%.

Nova zakonska rješenja o tretmanu poreza na promet proizvoda i usluga koja je uređena Zakonom o porezu na dodanu vrijednost ("Sl.glasnik BiH" broj 9/05 od 24.02.2005.godine i "Sl.glasnik BiH" broj 35/05, od 06.06.2005.godine) su u primjeni od 01.01.2006.godine.

Procjenjuje se da će inflacija ostati na niskom nivou do 2% godišnje u toku cijelog perioda.

Razlozi za donošenje Rebalansa Budžeta Općine Breza za 2006.godinu su :

- novi stavovi prihoda, i to:

POTPORE-GRANTOVI OD KANTONA	10.000 KM
POTPORE OD GAP PROJEKTA SARAJEVO	209.431 KM
KAPITALNI PRIMICI – ZEMLJIŠTE	600.856 KM
- novi stavovi rashoda ,vezani za novonastale prihode i to:

KAPITALNI GRANTOVI MJESNIM ZAJEDNICAMA	191.358 KM
--	------------

- | | |
|----------------------------------|------------|
| - NABAVKA OPREME | 75.862 KM |
| - OPREMANJE PROTOKOL-ŠALTER SALE | 174.302 KM |
| - NABAVKA ZEMLJIŠTA | 480.000 KM |
- kao i određena odstupanja u visini ostvarenih poreznih i neporeznih prihoda (analitički pregled u tabeli prihoda), i u visini ostvarenih planiranih troškova za prvih devet mjeseci 2006. godine.

III - OBRAZLOŽENJE POJEDINIH RJEŠENJA-

PRIHODI

Prihodi Rebalansa Budžeta Općine Breza za 2006. godinu planirani su u visini od 2.808.222 KM.

Struktura plana prihoda je slijedeća:

1. - Porezni prihodi		972.000 KM
- Direktni porezi	477.000 KM	
- Indirektni porezi	495.000 KM	
2.- Neporezni prihodi		985.935 KM
3. Potpore – Grantovi		850.287 KM
UKUPNO:		2.808.222 KM

Ovakvo planirani prihodi zasnivaju se na ostvarenjim prihodima tokom proteklog dijela budžetske godine i smjernicama Federalne vlade, a vezano za uvođenje poreza na dodanu vrijednost od 01.01.2006. godine.

Porezni prihodi su razdvajeni na direktne poreze (porezi na dobit, porez na plaću i radnu snagu, porez na imovinu i posebne poreze za zaštitu od nesreća) i indirektno poreze (Porez na dodanu vrijednost i Prihodi od indirektnog oporezivanja sa Jedinstvenog računa - naknade puteva iz cijena nafte). Zajedno čine procent od 35% udjela u ukupnim prihodima Rebalansa Budžeta za 2006. godinu ili 972.000 KM.

Direktni porezi se prikupljaju na kantonalni račun i odgovarajućim omjerom (Zakon o pripadnosti javnih prihoda "Sl. novine FBiH" broj 26/96, 32/98, 54/01 i 37/03), vraćaju na račune općinskih budžeta.

Prikupljanje ovih prihoda veže se za angažovanje kantonalnih organa (Poreska uprava) i zakona većeg nivoa vlasti.

Direktni porezi planirani su iznosom od 477.000 KM, što čini 49% poreznih prihoda ili 17% ukupnih prihoda Rebalansa Budžeta za 2006. godinu.

Indirektni porezi od 495.000 KM - PDV i naknade puteva iz cijena nafte, čine 51% poreznih prihoda (povećanje za 2% u odnosu na usvojeni budžet 2006. godine) ili 18% ukupnih prihoda Rebalansa Budžeta za 2006. godinu. Ova vrsta poreza regulisana je Zakonom o sistemu indirektnog oporezivanja u BiH ("Sl. glasnik BiH" broj 44/03), Zakona o uplatama na Jedinstveni račun i raspodjeli prihoda ("Sl. glasnik BiH" broj 55/04, te Zakona o porezu na dodanu vrijednost ("Sl. glasnik BiH" broj 9/05 i Sl. glasnik BiH broj 35/05 a primjenjuje se od 01.01.2006. godine.

Neporezni prihodi čine 35% ukupno planiranih prihoda Rebalansa Budžeta za 2006.godini.

Iznos od 985.935 KM planiran je na bazi važećih propisa koji regulišu ovu oblast poreza. Prikupljaju se direktnim uplatama poreskih obveznika na općinske budžete, izuzev prihoda od koncesija i posebnih naknada za ceste.

Prihod od koncesija (Zakon o koncesijama - Prečišćeni tekst Sl.Novine ZE-DO Kantona broj 5/03) planirana su u iznosom od 15.000,00 KM. Na području Općine Breza prijavljena su tri preduzeća, i to: "RKB" krečnjak Breza, "Sanex" d.o.o. Breza, i "Breza-dom"..

Ostali prihodi od imovine planirani su iznosom od 33.000 KM, a sadrže prihode od kamata na depozite, prihod od zakupa ("SRC "ADA" i magacin Civilne zaštite), te ostali prihodi od imovine-prodaja zemljišta (konkursna).

Općinske takse planirane su u iznosu od 220.000 KM. U ove prihode uvrštavaju se administrativne takse (opšte takse, takse koje plaćaju društva u postupku utvrđivanja ispunjenosti uslova za obavljanje djelatnosti, takse iz oblasti samostalnog privređivanja, građevinske takse i takse u imovinko-pravnim postupcima, sredstva Bazenijade...) i komunalne takse (taksa na istaknutu firmu, taksa za zauzimanje trotoara i ostalih slobodnih površina).

Prihodi - Posebne naknade i takse čine naknade za upotrebu cesta pravna lica 17.000 KM i naknade za upotrebu cesta fizička lica iznosom od 40.000 KM, i ostale naknade - (korištenje podataka premjera i katastra) 16.000 KM, a na osnovu njihovog ostvarenja u proteklih 9 mjeseci, dok stavka "Naknade puteva iz cijena nafte i naftnih derivata", a na osnovu Zakona o sistemu indirektnog oporezivanja ("Sl.glasnik BiH" broj 44/03) pripadaju skupini Poreznih prihoda- Indirektni porezi od nafte, a koji su planirani u iznosu od 110.000 KM.

- Sredstva se troše namjenski i to:
- zimsko održavanje,
- infrastruktura općine.

Prihodi od općinskih naknada (stav 4) u iznosu od 624.935 KM, planirani su na osnovu podataka dobivenih od Službe za prostorno uređenje, zaštitu okolice, geodetske i imovinsko pravne poslove i njihovog ostvarenja za 9 mjeseci 2006.godine (naplaćena potraživanja od RMU Breza za građevinskozemljiše i komunalna naknada za period od 2002-2005 godine).

Prihodi od pružanja usluga ostalim, čine naknade troškova komisije za tehnički pregled objekata i refundacija troškova za učinjene usluge drugim od strane Općine.

Novčane kazne su prihodi ubrani na osnovu novčanih kazni uvećanih po općinskim propisima.

- POTPORE -GRANTOVI -

- Prihodi po ovom osnovu su planirani u visini od 850.287 KM, a odnose se na :
- potpore od Kantona ZE-DO 40.000 KM
- kapitalne potpore od GAP projekta Sarajevo 209.431 KM

– kapitalni primici – prodaja zemljišta

600.856 KM

IZDACI

- Izdaci u Rebalansu Budžeta za 2006.godinu planirani su na nivou projiciranih prihoda i ostvarenja troškova za 9 mjeseci 2006.godine, iznose 2.808.222 KM, za pokriće izdataka korisnika budžetskih sredstava.

Bilanca izdataka data je u tabelarnom prikazu br. 2-Izdaci.

Strukturu planiranih izdataka u Rebalansu Budžeta za 2006.godinu čine:

NAZIV	IZNOS KM	% UČEŠĆA
Bruto plaće i naknade	459.000	16,00
Doprinos poslodavca	51.000	2,00
Naknade troškova zaposlenih i skupštinskih zastupnika	220.000	8,00
Izdaci za materijal i usluge	477.420	17,00
Grantovi - tekući transferi	686.500	24,00
Kapitalni izdaci	824.302	29,00
Izdaci za kamate	60.000	2,00
Budžetska rezerva	30.000	1,00
UKUPNO	2.808.222	100

PLAĆE I NAKNADE

Bruto plaće i naknade sa doprinosom poslodavca planirane su u iznosu od 510.000 KM što je 18% ukupnih rashoda i za 17% smanjenje u odnosu na usvojeni Budžet 2006.godine. Organ uprave Općine Breza ima 60 uposlenih radnika u 4 službe i Centru za socijalni rad Općine Breza.

NAKNADE TROŠKOVA ZAPOSLENIH I SKUPŠTINSKIH ZASTUPNIKA

Naknade troškova zaposlenih i skupštinskih zastupnika planirani su iznosom od 220.000 KM. Obuhvataju naknade za topli obrok radnika (dozvoljena neporeziva suma 2% od prosječne neto plaće FBiH), naknade za prevoz radnika, vijećnička naknada (planiran iznos od 130 KM po jednom zastupniku vijeća u mjesecu uz obračunati porez od 30% na 130 KM).

Regres za godišnji odmor iznosi 200 KM, isplata komisijama vijeća, te naknada predsjedniku vijeća, a na osnovu Odluke o naknadama članovima stalnih i povremenih tijela Općinskog vijeća broj: 01/1-023-55/98 od 22.01.1998.godine.

IZDACI ZA MATERIJAL I USLUGE

Ukupni planirani izdaci za materijal i usluge u Rebalansu Budžetu za 2006.godinu iznose 477.420 KM, i u ukupnom iznosu izdataka budžeta iznose 17%.

Planirani su na bazi nastalih rashoda za prvih 9 mjeseci 2006.godine. Značajnije povećanje u je kod izdataka za održavanje čistoće grada, zimsko održavanje cesta, ugovorene usluge...

POTPORE-GRANTOVI

- **Potpore drugim nivoima vlasti** planirane su u visini od 120.000 KM i to:

- **Izdaci za finansiranje tužbe Republike BiH protiv državne zajednice Srbije i Crne Gore** u visini od 10.000 KM.

- **Grantovi mjesnim zajednicama** planirani su iznosom od 110.000 KM. Koristit će se za finansiranje infrastrukture po mjesnim zajednicama i vođenje drugih aktivnosti.

- **Grantovi pojedincima**-planirana sredstava u visini od 32.500 KM, i to: za jednokratne pomoći Centru za socijalni rad 20.000 KM, pojedinačna davanja, izdaci za vojne invalide 4.000 KM i izdaci za finansiranje prevoza učenika 8.500 KM, a na osnovu Zaključka Općinskog načelnika.

- **Grantovi neprofitnim organizacijama** u visini 179.000 KM.

- Sredstva političkim partijama iznose 30.000 KM, a raspoređena su na način da se 30% sredstava raspoređuje jednako svim političkim partijama-strankama, a 70% ukupnog iznosa se raspoređuje srazmjerno broju poslaničkih mjesta koje svaka parlamentarna partija-stranka ima u trenutku raspodjele.

- Grant udruženja građana obuhvata sredstva za sport u visini od 100.000 KM i udruženja u visini od 49.000 KM od toga boračke populacije 19.000 KM (SUBNOR, RVI, Porodice Šehida, JOB-unija veterana, Zlatni ljiljani i UG Boraca 92-95) i ostala udruženja 30.000 KM.

Subvencije javnim ustanovama iznose 98.500 KM i to finansiranje dječijeg obdaništa 40.000 KM, grijanje srednjih škola 36.000 KM, primarna zdravstvena zaštita 15.000 KM, biblioteka M.Kantardžić 7.500 KM.

Subvencija pravnim licima, odnosi se na dotaciju Radio Brezi od 5.500 KM za učestvovanje u organizaciji Bazenijada 2006.godine.

-**Subvencije za razvoj poljoprivrede** planirane su u visini od 50.000 KM i trošit će se po određenim Programima razvoja za Općinu Breza - podsticaj poljoprivredne proizvodnje.

- **Izdvojena sredstva-posebni porezi** u visini od 1.000 KM jesu sredstva koja će se koristiti za zaštitu ljudi i materijalnih dobara, a prema Zakonom od spašavanja ljudi i materijalnih dobara od prirodnih i drugih nesreća ("Sl.novine FBiH" broj 39/03) i Uputstva za korištenje istih.

Kapitalni grantovi mjesnim zajednicama su sredstva koja će biti uložena u infrastrukturu mjesnih zajednica zajedničkim ulaganje Općine Breza i Projekta GAP Sarajevo, a planirano je 200.000 KM.

Kamate na domaće pozajmljivanje planirane su na osnovu otplatnog plana po kreditu za vodosnabdijevanje općine i iznose 60.000 KM (kamate u okviru dva anuiteta godišnje).

Kapitalni izdaci obuhvataju redovne kapitalne izdatke i namjenske kapitalne izdatke.Čine 29% ukupno planiranih izdataka. Finansiranje po ovom osnovu obezbjeđeno je iz prihoda od prodaje zemljišta, prihoda općinskih naknada, potpora od Projekta GAP, te potpora od kantona. Obuhvataju sljedeće stavke:

- Otplata kredita za vodosnabdijevanje (otplata u okviru anuiteta)	70.000 KM
- Nabavka opreme	80.000 KM
- Opremanje Protokola - šalter sala	174.302 KM
- Nabavka zemljišta	500.000 KM

Budžetska rezerva iznosi 30.000 KM ili 1% Rebalansa Budžeta Općine, a koristit će se za finansiranje eventualno nastalih rashoda koji nisu predviđeni Rebalansom Budžeta, a nastanu tokom

2006.godine.



Tabela br.3

TABELARNI PRIKAZ PRENESENIH OBAVEZA

N A Z I V	Neizmirene obaveze 2005.godine	Izmireno za 9 mjeseci 2006 godini	Neizmirene obaveze sa 30.09.2006
Obaveze za platu IX mj. 2006.g.)	43.057,59	43.057,59	41.341,00
Naknade vijećnicima(IX mj.2006)	4.228,20	4.228,20	4.463,10
Troškovi el.energije	52.720,97	52.720,97	18.913,42
Troškovi PTT	911,80	911,80	2.491,65
Komunalne usluge	107.702,84	107.702,84	47.964,03
Kancelarijski materijal	1.702,00	1.702,00	302,30
Troškovi grijanja	4.811,00		4.811,00
Uslug.održavanja transp.sredstava	2.901,70	2.297,40	1.470,88
Usluge održav.javne rasvjete	8.674,00	8.674,00	6.031,95
Deratizacija	61.860,00		61.860,00
Usluge medija(RTV, Radio)	8.716,96	8.027,96	4.108,19
Stručna literatura	2.120,00	2.120,00	3.586,00
Dnevna štampa	2.464,00	2.464,00	1.146,49
Reprezentac.(knjige,pokloni,nagrade)	5.133,00	2.140,50	7.132,12
-V.P.Sud za prekršaje			
-Udarnik prostor obnove	2.889,00		2.889,00
- Strojni d.d			525,00
-AME - zimsko održavanje	9.766,30	9.766,30	
-Termobeton d.o.o -			109.822,40
JKP Gradska groblja Visoko			295,00
-AMG Visoko (izvedbeni projekti)			6.669,00
- STRONG Breza			2.950,00
-Musala Inženjering			2.134,00
Remontni zavod Travnik			182,52
-”S-2000” Sarajevo			684,00
-Sklad d.o.o Sarajevo			690,10
-Mega Breza			737,10
-Naprijed Sarajevo			628,63
-Livnica Vareš			245,70
– Mediom d.o.o Sarajevo			2.925,00
– Gromex d.o.o			9.148,00
-Prevoz učenika - Centrotrans	47.645,10		47.645,10
	-		
Obdanište U.Čuvidina	46.923,00		49.923,00
Obaveze za prevoz učenika	2.085,50	2.085,50	
Obaveze za poljoprivredni podsticaj	15.877,00	15.877,00	10.898,00
Obaveza za pozajmicu od Kantona	32.000,00	-	32.000,00
-Sredstva fonda za zaštitu	5.384,51	5.384,51	5.246,73
-Sredstva za kulturu	1.852,00		1.852,00
- Obaveze za kapitalna ulaganja			
Mjesne zajednice	66.944,39	64.297,09	18.462,87
- Obaveze po kreditu za vodosnadbijevanje Općine			53.912,98
- Obaveze po ugovorima o povremenim poslovima	-		
	4.865,54	4.865,54	4.960,68
U K U P N O	543.236,40	338.323,20	571.048,94

Na osnovu člana 61. Zakona o građevinskom zemljištu FBiH ("Službene novine FBiH", broj 25/03 i 16/04) i člana 27. Statuta Općine Breza ("Službeni glasnik Općine Breza", broj 1/99, 4/99 i 7/99), rješavajući po zahtjevu Hodžić Subhe i Salima iz Breze, u predmetu utvrđivanja prava vlasništva na gradskom građevinskom zemljištu na kojem su izgrađeni objekti bez prava korištenja radi građenja, Općinsko vijeće Breza na sjednici održanoj 23.11.2006. godine, d o n o s i

R J E Š E N J E

I – Na građevinskom zemljištu označenom kao k.č.br. 495/5 u površini od 330 m², upisano u zk.ul.br. 100 k.o. Breza, što odgovara k.č.br. 899 k.o. Breza (n.p.) utvrđuje se pravo vlasništva u korist Hodžić Subhe i Salima, sinovi Alije kao graditelja objekata izgrađenih na tom zemljištu.

II – Hodžić Subho i Salim obavezni su platiti naknadu za dodijeljeno građevinsko zemljište iz tačke I dispozitiva ovog rješenja i to:

- naknadu na ime prirodnih pogodnosti (renta) u iznosu od 6.715,20 KM (šesthiljadasedamstotinapetnaest i 20/100 konvertibilnihmaraka).

Navedeni iznos podnosilac zahtjeva je obavezan platiti u roku od 15 dana od dana prijema ovog rješenja na račun Općine Breza broj: 1294031000231649 – vrsta prihoda: 722431.

III – Po pravosnažnosti ovog rješenja Zemljišno-knjižni ured Općinskog suda Visoko izvršit će uknjižbu prava vlasništva na zemljištu iz tačke I. dispozitiva ovog rješenja u korist Hodžić Subhe sina Alije i Hodžić Salima sina Alije iz Breze, sa dijelom 1/2.

O b r a z l o ž e n j e

Hodžić Subho i Salim iz Breze, podnijeli su zahtjev da se utvrdi pravo vlasništva u njihovu korist, na građevinskom zemljištu u državnoj svojini iz tačke I dispozitiva ovog rješenja, na kojem su izgradili objekte bez prava korištenja zemljišta radi građenja.

Postupajući po navedenom zahtjevu, izvršen je uviđaj i održana je usmena rasprava na licu mjesta dana 31.08.2006. godine u prisustvu vještaka građevinske struke, vještaka geometra i podnosioca zahtjeva, te je utvrđeno sljedeće činjenično stanje:

- da je rješenjem o urbanističkoj saglasnosti Ministarstva za prostorno uređenje, promet i komunikacije i zaštitu okolice, broj: 12-23-4164/03 od 03.03.2004. godine, data urbanistička saglasnost za adaptaciju i rekonstrukciju objekata izgrađenih na predmetnom građevinskom zemljištu;
- da su na predmetnom zemljištu 2001. godine izgrađeni poslovni objekti bez odobrenja za građenje;
- da se predmetno zemljište u zemljišnoj knjizi vodi kao državna svojina.

Iz pribavljenog izvještaja Kantonalnog Ministarstva za prostorno uređenje, promet i komunikacije i zaštitu okoline, broj: 12-23-1669-I/04 od 13.09.2006. godine, utvrđeno je da

UTVRĐUJE SE Nacrt Budžeta Općine Breza za 2007. godinu sa dokumentom Okvirnog Budžeta Općine Breza za period 2007.-2010. godine.

11

Po utvrđenom Nacrtu Budžeta Općine Breza za 2007. godinu sa dokumentom Okvirnog Budžeta Općine Breza za period 2007.-2010. godine sprovesti javnu raspravu u periodu od 24.11.2006. do 24.12.2006. godine u okviru vijećnika Općinskog vijeća i korisnika Budžeta Općine Breza.

III

Za realizaciju zaključka zadužuje se Služba za privredu, finansije i opću upravu.

DOSTAVLJENO:

1x Služba za priv., finan. i opću upravu,
1x 01/1,
1x Arhiva.

PREDSJEDAVAJUĆI

Općinskog vijeća
Vinko Pandža, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA BREZA
- Općinsko vijeće -

Broj: 01/1-02-2505/06
Breza, 23.11.2006.godine

Na osnovu člana 50. stav 3. Statuta Općine Breza, ("Službeni glasnik" broj 1/99, 4/99, 7/99) prilikom razmatranja Nacrta Programa obavljanja komunalnih usluga, zajedničke komunalne potrošnje u vremenu od 15.03.2007. do 15.11.2007. godine, Općinsko vijeće Breza na sjednici održanoj dana 23.11.2006. godine, d o n o s i

ZAKLJUČK

1

UTVRĐUJE SE Nacrt Programa obavljanja komunalnih usluga, zajedničke komunalne potrošnje u vremenu od 15.03.2007. do 15.11.2007. godine.

11

Javnu raspravu sprovesti u okviru vijećnika Općinskog vijeća, predsjednika mjesnih zajednica i ostalih zainteresovanih pojedinaca i udruženja na području Općine Breza.
Javnu raspravu sprovesti u periodu od 24.11.2006. do 24.01.2007. godine.

III

Za realizaciju zaključka zadužuje se Služba za prostorno uređenje, zaštitu okoline, geodetske i imovinsko-pravne poslove.

DOSTAVLJENO:

PREDSJEDAVAJUĆI

Općinskog vijeća
Vinko Pandža, s.r.

Broj: 01/1-02-2506/06
Breza, 23.11.2006. godine

Na osnovu člana 22. tačka 4. Zakona o lokalnoj samoupravi ("Službene novine ZE-DO kantona" broj: 13/98 i 8/00) i člana 27. tačka 2. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 23.11.2006. godine, d o n o s i

o razrješenju članova Komisije za odlikovanja i općinska priznanja

1

U rješenju o imenovanju Komisije za odlikovanja i općinska priznanja ("Službeni glasnik Općine Breza", broj 1/2005) razrješavaju se dužnosti članova komisije i to:

- Begić Ramiz i
- Pandža Vinko.

11

Razrješenje članova Komisije izvršeno je na osnovu podnesenih pismenih ostavki.

Category	Number of Studies
Control	1
Low	2
High	3

Ovo Rješenje stupa na snagu danom objavljivanja u "Službenom glasniku" Općine Breza.

PREDSJEDAVAJUĆI
Općinskog vijeća
Pandža Vinko,s.r.

Broj: 01/1-02-2506-1/06
Breza, 23.11.2006. godine

Na osnovu člana 22. tačka 4. Zakona o lokalnoj samoupravi ("Službene novine ZE-DO kantona" broj: 13/98 i 8/00) i člana 27. tačka 2. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 23.11.2006. godine, d o n o s i

RJEŠENJE

o imenovanju članova Komisije za odlikovanja i općinska priznanja

1

U Komisiju za odlikovanja i općinska priznanja ("Službeni glasnik Općine Breza", broj 1/2005) imenuju se:

pod rednim brojem 4. Salkić Azrudin, član,
pod rednim brojem 5. Vrljičak Miro, član.

11

Ovo Rješenje stupa na snagu danom objavljivanja u "Službenom glasniku" Općine Breza.

DOSTAVLJENO:
1x Salkić Azrudin,
1x Vrljičak Miro,
1x 01/1,
1x Arhiva.

PREDSJEDAVAJUĆI
Općinskog vijeća
Pandža Vinko, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA BREZA
Općinsko vijeće

Broj: 01/1-02-2507/06
Breza, 23.11.2006. godine

Na osnovu člana 22. tačka 4. Zakona o lokalnoj samoupravi ("Službene novine ZE-DO kantona" broj: 13/98 i 8/00) i člana 27. tačka 2. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 23.11.2006. godine, d o n o s i

RJEŠENJE

o imenovanju Komisije za enakopravnost spolov

1

U Komisiju za jednakopravnost spolova, imenuju se:

- Čorbo Edina, predsjednik komisije,
- Muratović Latifa, član komisije,
- Kevro Sevdija, član komisije,
- Smajić Alen, član komisije,

- Tuzlić Senija, član komisije.

11

Imenovanje se vrši na period od 4 (četiri) godine.

III

Ovo Rješenje stupa na snagu danom objavljivanja u "Službenom glasniku" Općine Breza.

DOSTAVLJENO:
5x Članovi Komisije,
1x Gender Centar FBiH,
1x 01/1,
1x Arhiva.

PREDSJEDAVAJUĆI
Općinskog vijeća
Pandža Vinko, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA BREZA
- Općinsko vijeće -

Broj: 01/1-02-2508/06
Breza, 27.11.2006.godine

Na osnovu člana 50. stav 3. Statuta Općine Breza, ("Službeni glasnik Općine Breza", broj 1/99, 4/99, 7/99), prilikom razmatranja Informacije o odlaganju otpada na površinskom kopu Koritnik, Općinsko vijeće Breza na sjednici održanoj 23.11.2006. godine, d o n o s i

ZAKLJUČAK

1

Da se obustave sve aktivnosti oko izgradnje regionalne deponije na Površinskom kopu Koritnik.

11

Zaključak stupa na snagu danom objavljivanja u "Službenom glasniku Općine Breza".

III

Za realizaciju ovog zaključka zadužuje se Općinski načelnik.

DOSTAVLJENO:
1x Općinski načelnik,
1x 01/1,
1x Arhiva.

PREDSJEDAVAJUĆI
Općinskog vijeća
Vinko Pandža.s.r.

[illegible]

Ustavni sud Federacije Bosne i Hercegovine, odlučujući o ustavnom pitanju, koje je predočio Kantonalni sud u Zenici, za utvrđivanje ustavnosti Odluke o komunalnim taksama i Odluke o izmjeni i dopuni Odluke o komunalnim taksama Općinskog vijeća Breza, na osnovu član IV.C.10. Ustava Federacije Bosne i Hercegovine, nakon provedene javne rasprave, na sjednici održanoj 19.10.2006. godine, donio je

P R E S U D U

Utvrđuje se da Odluka o komunalnim taksama Općinskog vijeća Breza ("Službeni glasnik Općine Breza", broj 4/00) i Odluka o izmjeni i dopuni Odluke o komunalnim taksama Općinskog vijeća Breza ("Službeni glasnik Općine Breza", broj: 9/03) u dijelu koji se odnosi na Tarifu općinskih komunalnih taksi – Tarifni broj 3. - nisu u skladu sa Ustavom Federacije Bosne i Hercegovine.

Presudu objaviti u "Službenim novinama Federacije BiH" i "Službenom glsniku Općine Breza".

O b r a z l o ž e n j e

Kantonalni sud u Zenici u postupku rješavanja upravnog spora broj: U-353/05 po tužbi tužioca "Derby Games" d.o.o. Mostar, protiv rješenja Federalnog ministarstva finansija/Federalnog ministarstva financija Sarajevo, broj: 07-15-849/04 od 20.9.2004. godine, na osnovu člana IV.C.10. (3) Ustava Federacije Bosne i Hercegovine, predočio je dana 20.7.2006. godine Ustavnom sudu Federacije Bosne i Hercegovine (u daljem tekstu: Ustavni sud Federacije) ustavno pitanje u vezi sa utvrđivanjem ustavnosti Odluke o komunalnim taksama i Odluke o izmjeni i dopuni Odluke o komunalnim taksama (u daljem tekstu: odluke).

Na osnovu člana 39. st. 1. i 2. Zakona o postupku pred Ustavnim sudom Federacije Bosne i Hercegovine ("Službene novine Federacije BiH", br. 6/95 i 37/03), stranke u postupku u ovom predmetu su: Kantonalni sud u Zenici, "Derby Games" d.o.o. Mostar, Federalno ministarstvo finansija-Federalno ministarstvo financija Sarajevo i Općinsko vijeće Breza.

U zahtjevu se, pored ostalog, navodi da je Amandmanom VIII d) na Ustav Federacije Bosne i Hercegovine regulisano je da je donošenje propisa o finansijama i finansijskim institucijama Federacije Bosne i Hercegovine i fiskalna politika Federacije u isključivoj nadležnosti Federacije. Na osnovu tog ustavnog ovlaštenja, Federacija Bosne i Hercegovine je donijela Zakon o pripadnosti javnih prihoda u Federaciji Bosne i Hercegovine i finansiranju Federacije Bosne i Hercegovine ("Službene novine Federacije BiH", broj: 26/96 i 32/98), kojim je uređena pripadnost javnih prihoda koji su ustanovljeni zakonima na teritoriji Federacije Bosne i Hercegovine i odnosi u oblasti sistema finansiranja Ustavom utvrđenih funkcija Federacije i kantona. U zahtjevu se naglašava da je članom 8. stav 1. navedenog zakona propisano da općinama pripadaju javni prihodi u skladu sa kantonalnim propisima, a stavom 2. da općinska vijeća donose propise o općinskim taksama (komunalne takse, porez na imovinu, porez na prihod od imovine). Pored toga, ističe se da se navedene odluke zasnivaju na Zakonu o komunalnim taksama Socijalističke Republike Bosne i Hercegovine, iako je donesen Zakon o pripadnosti javnih prihoda u Federaciji Bosne i Hercegovine i finansiranju Federacije Bosne i Hercegovine.

Kantonalni sud u Zenici predložio je da Ustavni sud Federacije utvrdi da navedene odluke nisu u skladu sa Ustavom Federacije Bosne i Hercegovine.

U odgovoru na zahtjev tužilac "Derby Games" d.o.o. Mostar, zastupan po Mirzeti Duljković, advokatu iz Sarajeva, ističe da je tužiocu razrezana komunalna taksa na istaknutu firmu za 2004. godinu u visini od 3.000,00 KM, a na osnovu navedenih odluka koje se zasnivaju na Zakonu o komunalnim taksama SR BiH, koji nije na snazi i ne može se primjenjivati. Navodi da je isključiva nadležnost Federacije za donošenje propisa o finansijama i finansijskim institucijama i fiskalna politika u Federaciji, što proizilazi iz Amandmana VIII. d) na Ustav Federacije Bosne i Hercegovine; da je Federacija na osnovu ovih ustavnih ovlaštenja donijela Zakon o pripadnosti javnih prihoda u Federaciji Bosne i Hercegovine i finansiranju Federacije Bosne i Hercegovine, kojim je propisano da je pripadnost svih javnih prihoda u Federaciji podijeljena između Federacije i kantona (čl.4. I 7.), a članom 8. propisano da općinama pripadaju javni prihodi u skladu sa kantonalnim propisima. Tužilac ukazuje na stvarni karakter komunalne takse postavljene na način kako je to propisano navedenim odlukama, ističući da je njihov stvarni karakter fiskalne prirode, tj. da se radi o tipičnom porezu koji zahvata općina iz osnovne djelatnosti taksenog (poreznog) obveznika. Taksa predstavlja naknadu koja se plaća za korištenje nekih javnih dobara (sredstava) ili usluga koje javni organ pruža građanima, pa se visina takse na istaknutu firmu ne može utvrđivati u odnosu na vrstu djelatnosti koje obavljaju poreski obveznici i određuje veća taksa za profitabilnije djelatnosti i obratno, što je tipičan porez iz djelatnosti utvrđen u paušalnom iznosu. Mišljenja je da visina takse na istaknutu firmu može ovisiti samo o veličini i vrsti istaknute firme ili u odnosu na zonu grada u kojoj se ističe firma. U konkretnom slučaju, ne radi se o korištenju bilo kakvih javnih dobara, niti o usluzi koju pruža javna služba, te je upitna održivost predmetnog fiskalnog davanja nazvanog "taksa na istaknutu firmu". Navedenim odlukama, i to u dijelu Tarife, visina godišnje takse na istaknutu firmu određena je u bitno različitim iznosima i to zavisno od vrste djelatnosti koje obavljaju imaoce firmi, dakle bez bilo kakvih realno utvrđenih kriterija (veličina firme, zona i sl.). Imajući u vidu činjenicu da je utvrđen različit iznos taksi za različite subjekte kao imaoce firmi, tužilac ističe da sve osobe ne uživaju jednakost pred zakonom, kako je to propisano članom II 2. (1) c) Ustava Federacije Bosne i Hercegovine. Tužilac ukazuje na presudu Ustavnog suda Federacije Bosne i Hercegovine broj: U-1/06 od 15.06.2006. godine.

Tužilac je u odgovoru predložio da Ustavni sud Federacije utvrdi da navedene odluke nisu u saglasnosti sa Ustavom Federacije Bosne i Hercegovine.

Općinsko vijeće Breza dostavilo je odgovor na zahtjev 01.09.2006. godine. U odgovoru se ističe da, iako je pravni osnov za donošenje navedenih odluka ranije važeći Zakon o komunalnim taksama SRBiH ("Službeni list SRBiH", broj 21/77, 35/88 i 26/89), to nije od značaja zbog čega bi one bile u neskladu sa Ustavom Federacije Bosne i Hercegovine. Ističe se da je Amandmanom VIII tačka d) na Ustav Federacije Bosne i Hercegovine propisano da je u isključivoj nadležnosti Federacije "donošenje propisa o finansijama i finansijskim institucijama Federacije i fiskalna politika Federacije". Na osnovu ovog ustavnog ovlaštenja Federacija je donijela Zakon o pripadnosti javnih prihoda u Federaciji Bosne i Hercegovine i finansiranju Federacije Bosne i Hercegovine ("Službene novine Federacije BiH", broj 22/06). Članom 13. ovog zakona propisano je da jedinicama lokalne samouprave – općinama, pored ostalog, pripadaju javni prihodi i to: naknade i takse u skladu sa propisima jedinice lokalne samouprave (član 13. c); drugi prihodi predviđeni zakonom i drugim propisima Federacije, kantona i jedinice lokalne samouprave (član 13. h), te da općinska vijeća donose propise kojima se uređuje visina naknada po osnovu korištenja i uređenja zemljišta, kao i visina drugih naknada, novčanih kazni i taksi u njihovoj nadležnosti (član 13. stav 3.). U odgovoru se konstatuje da je članom VI tačka 4. c) Ustava Federacije Bosne i Hercegovine propisano da općinsko vijeće, pored ostalog,

usvaja općinski budžet i donosi propise o oporezivanju i na druge načine osigurava potrebno finansiranje koje nisu osigurali kantonalna ili federalna vlast. Iz navedenog proizilazi, ističe se na kraju odgovora, da je u isključivoj nadležnosti Općinskog vijeća Breza da na svojoj teritoriji utvrđuje visinu komunalnih taksi.

Federalno ministarstvo finansija/Federalno ministarstvo financija nije Ustavnom sudu Federacije dostavilo traženi odgovor na zahtjev Kantonalnog suda u Zenici za utvrđivanje ustavnosti navedenih odluka.

U ovom predmetu održana je javna rasprava 19. oktobra 2006. godine. Javnoj raspravi je prisustvovao opunomoćnik Općinskog vijeća Breza, koji je u cjelosti ostao pri navodima istaknutim u odgovoru na zahtjev od 1.9.2006. godine.

Ustavni sud Federacije je odlučio kao u izreci presude iz sljedećih razloga:

Amandmanom VIII tačka d) na Ustav Federacije Bosne i Hercegovine propisano je da je u isključivoj nadležnosti Federacije “donošenje propisa o finansijama i finansijskim institucijama Federacije i fiskalna politika Federacije”. Na osnovu ovog ustavnog ovlaštenja Federacija je donijela Zakon o pripadnosti javnih prihoda u Federaciji Bosne i Hercegovine i finansiranju Federacije Bosne i Hercegovine. Članom 13. ovog zakona propisano je da jedinicama lokalne samouprave-općinama, pored ostalog, pripadaju javni prihodi i to: naknade i takse u skladu sa propisima jedinica lokalne samouprave (član 13.c); drugi prihodi predviđeni zakonom i drugim propisima Federacije, kantona i jedinica lokalne samouprave (član 13.h), te da općinska vijeća donose propise kojima se uređuje visina naknada po osnovu korišćenja i uređenja zemljišta, kao i visina drugih naknada, novčanih kazni i taksi u njihovoj nadležnosti (član 13. stav 3.).

Članom VI.4.c) Ustava Federacije Bosne i Hercegovine propisano je da općinsko vijeće, pored ostalog “usvaja općinski budžet i donosi propise o oporezivanju i na druge načine osigurava potrebno finansiranje koje nisu osigurali kantonalna ili federalna vlast”.

Polazeći od navedenih ustavnih i zakonskih odredbi, Ustavni sud Federacije ocijenio je da je, u konkretnom slučaju, Općinsko vijeće Breza ovlašteno da donosi propise-odluke o uvođenju naknada i taksi na svom području. Ustavni sud Federacije je stajališta da činjenica što je navedene odluke Općinsko vijeće Brez donijelo pozivom na ranije važeći Zakon o komunalnim taksama SRBiH, nije od značaja da bi iste zbog toga bile u neskladu sa Ustavom Federacije Bosne i Hercegovine.

Nasuprot tome, kada su u pitanju dijelovi spornih odluka, koji se odnose na Tarifu općinskih komunalnih taksi – Tarifni broj 3., Ustavni sud Federacije utrdio je da iste u tom dijelu nisu u skladu sa Ustavom Federacije Bosne i Hercegovine. Naime, članom II.2 (1) c) Ustava Federacije Bosne i Hercegovine propisano je, pored ostalog, da sva lica na teritoriji Federacije uživaju pravo na jednakost pred zakonom. U konkretnom slučaju, navedenim odlukama Općinskog vijeća Breza, kojima se utvrđuje visina takse za istaknutu firmu, oznaku, obilježje ili natpis na poslovnim prostorijama i objektima, kojim se označava da određeno pravo i fizičko lice obavlja izvjesnu djelatnost ili zanimanje, visina godišnje takse određena je u bitno različitim iznosima, bez bilo kakvih realno utvrđenih kriterija za različito utvrđene iznose – visinu takse (npr. područje grada gdje je istaknuta firma, dimenzije-veličina istaknute firme i sl.). Zbog toga, Ustavni sud Federacije cijeni da imaoci istaknutih firmi nisu u jednakom položaju pri utvrđivanju visine godišnje takse na istaknutu firmu na način kako je to propisano navedenim odlukama, što po ocjeni Ustavnog suda Federacije nije u skladu sa pomenutom odredbom Ustava Federacije Bosne i Hercegovine, kojom je

Iz navedenih razloga, Ustavni sud Federacije je utvrdio da navedene odluke u dijelu koji se odnosi na Tarifu općinskih taksi – Tarifni broj 3., nisu u skladu sa Ustavom Federacije Bosne i Hercegovine.

Predsjednik
Ustavnog suda Federacije
Bosne i Hercegovine
Prof. dr. Nedjeljko Milićević

P R A V I L N I K
O PLAĆAMA I NAKNADAMA PLAĆA DRŽAVNIH SLUŽBENIKA I NAMJEŠTENIKA U
JEDINSTVENOM OPĆINSKOM ORGANU UPRAVE OPĆINE BREZA

Pravilnikom o plaćama i naknadama plaća državnih službenika i namještenika u jedinstvenom općinskom organu uprave Općine Breza (u daljem tekstu: Pravilnik) regulišu se prava državnih službenika i namještenika na plaću i dodatke na plaću po osnovu rada i radnih odnosa, osim naknada i drugih materijalnih prava koja nemaju karakter plaće u jedinstvenom općinskom organu uprave Općine Breza.

Državni službenici i namještenici imaju pravo na plaću koja odgovara radnom mjestu državnog službenika i namještenika.

Polazna osnova za obračun plaće za sve državne službenike i namještenike je ista na svim nivoima vlasti i utvrđuje je Vlada Federacije Bosne i Hercegovine.

Plaća se određuje tako da se osnovica pomnoži sa koeficijentom platnog razreda i ukupan iznos uveća na osnovu radnog staža.

Član 4.

Koeficijente koji se odnose na platne razrede i unutar platnih razreda određuje Općinsko vijeće za državne službenike i namještenike u skladu sa radnim mjestima u jedinstvenom općinskom organu uprave Općine Breza koja su propisana Pravilnikom o unutrašnjoj organizaciji jedinstvenog općinskog organa uprave i Pravilnikom o unutrašnjoj organizaciji Općinskog pravobranilaštva Breza.

Koeficijente za platne razrede državnih službenika i namještenika u jedinstvenom općinskom organu uprave određuje Općinsko vijeće Breza posebnom Odlukom o utvrđivanju platnih razreda i koeficijenata za plaće državnih službenika i namještenika, a po prijedlogu Općinskog načelnika.

Član 5.

Sredstva za plaće državnih službenika i namještenika jedinstvenog općinskog organa uprave obezbjeđuju se u budžetu Općine Breza.

Član 6.

Plaća državnih službenika i namještenika se uvećava za 0,5% za svaku započetu godinu radnog staža, a najviše do 20%.

Član 7.

Državni službenici imaju pravo na povećanje plaće koji u posljednje dvije uzastopne godine budu ocijenjeni ocjenom:

- najmanje "izuzetno uspješan" imaju pravo na povećanje plaće u iznosu najviše do 20% od visine plaće utvrđene za to radno mjesto s tim da takvim povećanjem ne prelazi plaću narednog platnog razreda,
- najmanje "uspješan" imaju pravo na povećanje plaće u iznosu najviše do 10% utvrđene za to radno mjesto i
- najmanje ocjenom "zadovoljava" imaju pravo na povećanje plaće u iznosu najviše do 5% od visine plaće utvrđene za to radno mjesto.

Član 8.

Namještenici imaju pravo na povećanje plaće svake kalendarske godine kada budu u prethodnoj godini ocijenjeni ocjenom:

- "naročito uspješan" imaju pravo na povećanje plaće u iznosu od 5% do 10% od visine osnovne plaće radnog mjesta na koje je postavljen i
- "uspješan" imaju pravo na povećanje plaće do 5% od visine osnovne plaće utvrđene za to radno mjesto.

Povećanje plaće iz stava 1. člana 7. i 8. važi samo za kalendarsku godinu u odnosu na godinu dobijanja ocjene.

Član 9.

Državnim službenicima koji privremeno obavljaju poslove upražnjenog radnog mjesta u jedinstvenom općinskom organu uprave Općine Breza u slučaju kada se to radno mjesto ne može popuniti zbog nemogućnosti osiguravanja kadrova kao i u slučajevima zamjene odsutnog državnog službenika iz određenih razloga duže od 30 dana, povećava se plaća do 50% u zavisnosti od nastalog povećanja obima poslova, a u skladu sa članom 41. Zakona o državnoj službi u Federaciji Bosne i Hercegovine.

Namještenici koji privremeno obavljaju poslove upražnjenog radnog mjesta u jedinstvenom općinskom organu uprave Općine Breza do popune tog radnog mjesta u skladu sa Zakonom o namještenicima ili obavljaju poslove drugog radnog mjesta zbog

odsutnosti namještenika duže od 30 dana imaju pravo na povećanje plaće do 50% u zavisnosti od povećanja obima poslova.

Član 10.

Državni službenici imaju pravo na punu plaću za vrijeme godišnjeg odmora i plaćenog odsustva i za prvih 30 dana odsustva sa posla zbog bolesti ili invalidnosti, kao i za vrijeme suspenzije, ako posebnim zakonom ili kolektivnim ugovorom za pojedine od tih slučajeva nije drugačije određeno.

Namještenici imaju pravo na punu plaću za vrijeme korištenja godišnjeg odmora, plaćenog odsustva i za prva 42 dana odsustva sa posla zbog bolesti ili invalidnosti, kao i za vrijeme suspenzije, ako posebnim zakonom ili kolektivnim ugovorom za pojedine od tih slučajeva nije drugačije određeno.

Član 11.

Državni službenik koji je zasnovao radni odnos sa radnim vremenom kraćim od punog radnog vremena (skraćeno radno vrijeme) ima pravo i obaveze državnog službenika koji radi sa punim radnim vremenom s tim što ta prava i obaveze ostvaruje u obimu koji zavisi od dužine radnog vremena, odnosno srazmjerno broju sati, utvrđenog vremena što se bliže utvrđuje Kolektivnim ugovorom.

Ako skraćeno vrijeme traje manje od 5 sati u toku radnog dana, u tom slučaju državni službenik nema pravo na dnevni odmor u toku radnog dana, a ima pravo na topli obrok u visini od 50% od punog dnevnog iznosa toplog obroka.

Pravilnikom o unutrašnjoj organizaciji jedinstvenog organa uprave utvrđuju se radna mjesta sa skraćenim radnim vremenom i određuje se dužina radnog vremena.

Namještenik koji je zasnovao radni odnos na određeno vrijeme u skladu sa članom 30. Zakona o namještenicima u organima državne službe sa punim radnim vremenom učestvuje u raspodjeli sredstava za plaće kao namještenik koji je zasnovao radni odnos na neodređeno vrijeme sa punim radnim vremenom.

Član 12.

Plaća državnog službenika i namještenika isplaćuje se unatrag jednom mjesečno ako zakonom ili drugim propisom nije drugačije određeno.

Član 13.

Državni službenik i namještenik kojem u toku godine prestane radni odnos, učestvuje u raspodjeli sredstava za plaće po periodičnom obračunu i završnom računu srazmjerno vremenu provedenom na radu i ostvarenim rezultatima rada.

Član 14.

Osnovna plaća uvećava se:

- za noćni rad 30% od bruto satnice,
- za prekovremeni rad 30% od bruto satnice,
- za rad subotom i nedeljom (ako su neradni dani) 20% od bruto satnice,
- za rad na dan državnih praznika koji su po zakonu neradni 50% od bruto satnice.

Osnov za povećanje plaće iz prethodnog stava je ostvarena plaća državnog službenika i namještenika u tekućem mjesecu.

Dodaci iz stava 1. ovog člana se međusobno isključuju.

Član 15.

Plaće državnih službenika i namještenika utvrđuju se rješenjem Općinskog načelnika.

Prava na ostale naknade predviđene ovim Pravilnikom po zahtjevu državnih službenika i namještenika utvrđuju se rješenjem Općinskog načelnika.

Član 16.

Za vrijeme trajanja pripravničkog staža pripravniku pripada plaća u skladu sa zakonom.

Član 17.

Državni službenik i namještenik koji je premješten u skladu sa zakonom na drugo radno mjesto učestvuje u raspodjeli sredstava za plaće prema radu i rezultatima rada ostvarenim na tim poslovima, odnosno radnim zadacima.

ZAVRŠNE ODREDBE

Član 18.

Odredbe ovog Pravilnika primjenjuju se na državne službenike i namještenike u Općinskom pravobranilaštvu Breza i za Općinskog načelnika.

Član 19.

Na pitanja koja nisu regulisana ovim Pravilnikom shodno se primjenjuju odredbe zakona i podzakonskih akata koji regulišu ovu oblast.

Član 20.

Izmjene i dopune ovog Pravilnika vrše se na isti način i postupak za njegovo donošenje.

Član 21.

Ovaj Pravilnik stupa na snagu narednog dana od dana objavljivanja u "Službenom glasniku Općine Breza", a primjenjivat će se od 01.12.2006. godine.

Član 22.

Stupanjem na snagu ovog Pravilnika prestaju se primjenjivati svi akti kojima su se regulisale plaće u jedinstvenom općinskom organu uprave Općine Breza.

Broj: 01/2-49-371/06
Breza, 10.10.2006.g.

OPĆINSKI NAČELNIK
Seid Smailbegović, s.r.



SADRŽAJ

Izdavač: Općina Breza, Stručna Služba Općinskog vijeća, Ulica ZAVNOBIH-a br.6. telefon: 783-310, fax: 783-314.